

Na osnovu člana 128. stav (2) alineja h) Zakona o osiguranju („Službene novine Federacije Bosne i Hercegovine“ br. 23/17 i 103/21), člana 11. stav (1) alineja 1. Zakona o posredovanju u privatnom osiguranju („Službene novine Federacije BiH“, br. 22/05, 8/10 i 30/16), člana 18. Pravilnika o sadržaju i načinu polaganja stručnog ispita za obavljanje poslova posredovanja u osiguranju („Službene novine Federacije BiH“, br. 37/24 i 35/26) i člana 19. Statuta Agencije za nadzor osiguranja Federacije Bosne i Hercegovine (Službene novine Federacije BiH, broj 84/17), direktor Agencije za nadzor osiguranja Federacije Bosne i Hercegovine (u daljem tekstu: Agencija za nadzor), d o n o s i

O D L U K U

o organizovanju obavezne profesionalne edukacije kandidata za polaganje stručnog ispita za obavljanje poslova posredovanja u osiguranju

Član 1.

Agencija za nadzor organizuje obaveznu profesionalnu edukaciju kandidata za polaganje stručnog ispita za obavljanje poslova posredovanja u osiguranju (u daljem tekstu: kandidat) na kojoj se obrađuju stručne teme u skladu sa programom iz člana 3. i 4. Pravilnika o sadržaju i načinu polaganja stručnog ispita za obavljanje poslova posredovanja u osiguranju.

Član 2.

Obavezna profesionalna edukacija se organizuje u vidu dvodnevnog seminara koji će se održati dana 09.10.2026. i 10.10.2026. godine, u vremenu od 08.30 do 16.00 časova, na Ekonomskom fakultetu Sarajevo Univerziteta u Sarajevu u ulici: Trg oslobođenja – Alija Izetbegović broj 1.

Član 3.

Prijava za učešće u obaveznoj profesionalnoj edukaciji je preduvjet za pristupanje polaganju stručnog ispita za obavljanje poslova posredovanja u osiguranju i podnosi se do 30.09.2026. godine na adresu Agencije za nadzor: Kolodvorska broj 12, 71 000 Sarajevo, na obrascu koji se može preuzeti sa internet stranice Agencije za nadzor www.ano.ba.

Broj prijava je ograničen na 80 kandidata obzirom na kapacitete sale u kojoj se održava obavezna profesionalna edukacija.

Član 4.

Uvjerjenje o završenoj obaveznoj profesionalnoj edukaciji je uslov za pristupanje polaganju stručnog ispita za obavljanje poslova posredovanja u osiguranju.

Član 5.

Troškove za prisustvovanje obaveznoj profesionalnoj edukaciji snose učesnici. Iznos novčane naknade za prisustvovanje obaveznoj profesionalnoj edukaciji u skladu sa članom 6. Tarifa 6 stav 1 Odluke o naknadama Agencije za nadzor osiguranja Federacije BiH („Službene novine Federacije BiH“, broj 45/26) iznosi 200,00 KM jednokratno, koji se plaća na jedan od sljedećih računa Agencije za nadzor broj: 102-708-00000-66-017 Union banka d.d. ili 338-320-2200-882-091 UniCredit bank d.d. ili 161-0000-312-360-090 Raiffeisen bank d.d., sa naznakom: troškovi profesionalne edukacije - ime i prezime kandidata.

Član 6.

Agencija za nadzor zadržava pravo, a uvažavajući kapacitet sale u kojoj se održava obavezna profesionalna edukacija i broja prijavljenih kandidata za prisustvo istoj, da rasporedi određeni broj kandidata u drugi termin (koji će se naknadno organizovati) od onog za koji se kandidat prijavio, što će biti blagovremeno objavljeno na službenoj stranici Agencije za nadzor - www.ano.ba.

Član 7.

Ova Odluka stupa na snagu danom donošenja.

Broj: 02-45-3830/26
Sarajevo, 08.09.2026. godine

D I R E K T O R

Ivan Luburić, s.r.